

Naalakkersuisunut ilaasortat akisussaanerat pillugu Inatsisartut inatsisaat pillugu Namminersorlutik Oqartussat nalunaarutaat

Matumuuna Inatsisartut inatsisaat nr. 6, 13. maj 1993-imeersoq inatsisartunut ilaasortat akisussaanerat, Inatsisartut inatsisaat nr. 16, 22. november 2011-imeersoq kingunerisaanik allannguutit ilanngullugit nalunaarutigineqarpoq.

§ 1. Inatsisartut inatsisaanni uani pineqarpoq Naalakkersuisut siulittaasuata Naalakkersuisunullu ilaasortat atorfimminnik ingerlatsinerminnut akisussaanerat.

§ 2. Kalaallit Nunaanni pinerluttulerinermi inatsimmi immikkoortoq siulleq aalajangersakkanut nalinginnaasunut tunngasoq taamaalluni atutissaaq.

§ 3. Naalakkersuisunut ilaasortaq kinaluunniit sulianut naalakkersuinikkut oqartussaaffigisaminut tunngasunik aalajangiinernut akisussaavoq.

§ 4. Naalakkersuisut ataatsimiinneranni aalajangikkamut Naalakkersuisunut ilaasortaq kinaluunniit ataatsimiinnermi peqataasimasoq aalajangiinermullu akuerseqataasimasoq akisussaavoq. Taamatuttaaq akisussaatinneqassaaq ilaasortaq aalajangikkap pilerneranut allatut iliorluni peqataasimasoq.

§ 5. Inatsisiniq unioqqutitsinermi peqataanermut akisussaaneq pillugu pinerluttulerinermi inatsisini aalajangersakkamik atuinermi Naalakkersuisunut ilaasortaq sulorisami qanoq iliorneranut peqataasutut isigineqassaaq

- 1) naluusimanngikkuniuk qanoq ilorneq taanna suliaajumaartoq, akornuserniarsimanagulu,
- 2) qanoq ilorneq taanna aalajangiinissap Naalakkersuisunut ilaasortap akisussaaffigisaata naammassinissaanut pisariaqartuusimappat pinngitsooraniluunniit iliuusissaasimappat, imaluunniit
- 3) qanoq ilorneq tamanna naammassineqartissinnaasimaguniuk pisariaqarneratut annertutigisumik nakkutilliinnginnermigut malittarisassaliunnginnermigullu.

§ 6. Naalakkersuisunut ilaasortaq § 10 naapertorlugu pineqaatissinneqassaaq piaaraluni imaluunniit mianersuaalliorujussuarnermigut Inatsisartut Naalakkersuisullu pillugit Inatsisartut inatsisaat inatsisilluunniit allat malillugit imaluunniit atorfimmi suunera malillugu imminut pisussaaf f igisassangortitaasut malillugit iliunngikkuni.

Imm. 2. Imm. 1-imik aalajangersagaq aamma atorneqartassaaq Naalakkersuisunut ilaasortaq equnngitsumik paasinerluutaasinnaasumilluunniit inatsisartunut paassisutissimappat imaluunniit inatsisartut oqaluuserisassamik oqaluuserinninneranni paassisutissanik oqaluuserisap inatsisartunit aalajangiiffiqeqarnissaanut annertuumik pingaaruteqartunik nipangiuassisimappat.

§ 7. Naalakkersuisunut ilaasortap qanoq iliorneranik pissuteqartumik taarsiissuteqartitsisinnaaneq eqqarsaatigalugu inuit pisortaqrifmi kiffartortut ajoqusiinerinut taarsiisitsisarneq pillugu maleruagassiat tamanut atortuusut atussapput.

§ 8. Inatsisartut inatsisaat una malillugu unnerluutiginninneq pissaaq inatsisinik unioqqutitsiunnaarnermiit kingusinnerpaamik ukiut tallimat qaangiutsinnagit.

§ 9. Pinerluttulerinermik inatsimmi § 55 Naalakkersuisunut ilaasortanut atortuunngilaq.

§ 10. Inatsisartut inatsisaanni uani aalajangersakkanik unioqqutitsinerit pineqaatissiissutaassapput Kalaallit Nunaanni pinerluttulerinermi inatsit malillugu.

§ 11. Inatsisartut aalajangissavaat pissutsit Naalakkersuisunut ilaasortap atorfimminik ingerlatsineranut tunngasut Kalaallit Nunaanni Politimesterimut paasiniagassangortinnejqassanersut unnerluussissutissanngortinniarnejqassanersullu.

Imm. 2. Kalaallit Nunaanni Politimesterip aalajangissavaa unnerluutiginnittoqassanersoq pineqaatissiinissamik piumasaqaatalimmik.

Imm. 3. Suliassaq Kalaallit Nunaanni Eqqartuussivimmi suliarinneqqaartussatut suliarissavaa.

§ 12. Inatsisartut inatsisaat una junip aallaqqaataani 1993-imik atortuulissaq.

Inatsisartut inatsisaat nr. 16, 22. november 2011-imeersoq (Kingunerisaanik iluarsiinerit)[\[1\]](#) atuutilersitsinissamik aalajangersagaq makkuninnga imaqarpooq:

§ 2

Inatsisartut inatsisaat ulloq 1. december 2011-mi atuutilissaq.

Hans-Peder Barlach Christensen

/

Jógván Svabo Samuelsen

[1] Inatsimmi allanngortinneqartumi pineqarput Inatsip taaguutaa, § 9 aamma § 11, imm. 2. Qallunaatuuani landstinget og landsstyret" imatut allanngortinneqarput "Inatsisartut og Naalakkersuisut.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut